



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-985/24
Sarajevo, 23.07.2024. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 42. sjednici održanoj dana 23.07.2024. godine, primilo je k znanju

Informaciju o realizaciji vijećničkih pitanja i inicijativa.

PREDSJEDAVALJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

INFORMACIJA
O REALIZACIJI VIJEĆNIČKIH PITANJA I INICIJATIVA

Sarajevo, juli 2024. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Informacija o realizaciji vijećničkih pitanja i inicijativa

I UVOD

Programom rada Gradskog vijeća Grada Sarajeva za 2024. godinu za mjesec juli planirano je razmatranje Informacije o realizaciji vijećničkih pitanja i inicijativa.

Informacija sadrži pregled odgovora na vijećnička pitanja i realizaciju vijećničkih inicijativa.

Članom 148. Poslovnika Gradskog vijeća Grada Sarajeva („Službene novine Kantona Sarajevo“, broj 28/09, 11/20 i 19/20), propisano je sljedeće:

„Član 148.

- (1) Svaki gradski vijećnik, klub vijećnika ili radno tijelo Gradskog vijeća mogu postaviti vijećničko pitanje ili inicijativu određenom subjektu.
- (2) Na svakoj sjednici Gradskog vijeća posljednja tačka dnevnog reda je tačka: Vijećnička pitanja i inicijative.
- (3) Vijećnička pitanja i inicijative se postavljaju usmeno ili pismeno na sjednici Gradskog vijeća, a kada se to od Gradskog vijeća zatraži i to Gradsko vijeće podrži većinom glasova izabranih gradskih vijećnika, iznesena inicijativa postaje inicijativa Gradskog vijeća.
- (4) Postavljena vijećnička pitanja i inicijative se formuliraju u pismenoj formi kao poseban akt Gradskog vijeća i dostavljaju nadležnom organu na razmatranje.
- (5) Nadležni organ Grada Sarajeva kome se vijećničko pitanje ili inicijativa dostavi na realizaciju dužan je dostaviti odgovor na postavljeno vijećničko pitanje iz nadležnosti organa Grada Sarajeva do naredne sjednice Gradskog vijeća, odnosno o realizaciji upućene inicijative iz nadležnosti Grada Sarajeva izvijestiti Gradsko vijeće do naredne sjednice.
- (6) Ukoliko pitanja odnosno inicijative nisu iz nadležnosti Grada Sarajeva, odnosno nisu upućene gradonačelniku, Služba Gradskog vijeća će ih proslijediti nadležnim organima i o tome izvijestiti Gradsko vijeće.
- (7) Na svakoj sjednici Gradskog vijeća podnosi se informacija o realizaciji vijećničkih pitanja i inicijativa, u sklopu obavezne tačke dnevnog reda sjednice.“

II PITANJA, INICIJATIVE I ODGOVORI

Odgovori na vijećnička pitanja i inicijative su dati kako slijedi:

Na 33. sjednici Gradskog vijeća Grada Sarajeva, održanoj dana 29.11.2023. godine, zamjenica predsjedavajućeg Gradskog vijeća Grada Sarajeva Mirela Džehverović uputila je inicijativu sljedećeg sadržaja: „Potrebno je dostaviti informaciju o održavanju česmi kojima Grad upravlja kako bi se utvrdilo kakvo je trenutno stanje te šta se treba planirati od popravki za sljedeću godinu.“

Odgovor:

Grad Sarajevo u svojoj nadležnosti ima 47 Javnih česmi, dvije fontane i jedan javni toalet. U toku ljetnog perioda u funkciji je bilo 39 javnih česmi, jedna fontana i javni toalet.

4 javne česme su bile zatvorene iz tehničkih razloga, a koji nisu bili na vrijeme otklonjeni, a 4 javne česme nisu bile otvarane zbog blizine sa drugom javnom česmom.

Od dvije fontane u funkciji je bila fontana „Ubijenoj djeci opkoljenog Sarajeva“, a fontana na Trgu žrtava Srebrenice nije u funkciji iz razloga što je na istoj potrebno izvršiti kompletnu rekonstrukciju sistema napajanja i kruženja vode.

Javni toalet na Vilsonovom šetalištu je konstantno otvoren i on je, shodno ugovoru broj 01/14-04-5704/23 od 09.08.2023. godine, predat na upravljanje JP Sarajevo.

Što se tiče stanja javnih česmi, možemo konstatirati da su to uglavnom česme iz starijeg perioda Grada Sarajeva i da bi na mnogim bilo potrebno izvršiti neke sitnije ili pak malo veće zahvate da bi se iste održale u funkcionalnom stanju.

Prioritet za ovu godinu bio bi Sebilj na Baščaršijskom trgu na kome bi trebalo izvršiti farbanje drvenog dijela Sebilja.

Na javnoj česmi u ulici Patriotske lige PP 61 na ulazu u Pionirsku dolinu, također će ove godine trebati zamijeniti dvije kamene ploče koje su razbijene.

Na ostalim javnim česmama uglavnom bi trebalo napraviti neke sitne popravke, s tim da nijedna nije u stanju „HITNO“.

Što se tiče javnih česmi koje zbog tehničkih razloga nisu u funkciji, stanje je sljedeće:

- Javna česma Rotary u ulici Reisa Džemaludina Čauševića nije nikad u potpunosti završena, a što je bila obaveza Općine Centar.
- Javna česma u ulici Braće Begić do broja 36 također nije izgrađena, a bila je obaveza Općine Novo Sarajevo.
- Javne česme u ulici Terzibašina br.1 i ulici Vrbanjuša PP 148 nisu bile u funkciji iz razloga što JP „Vodovod i Kanalizacija“ nisu otklonili kvar na distributivnoj mreži.

Na 33. sjednici Gradskog vijeća Grada Sarajeva, održanoj dana 29.11.2023. godine, gradski vijećnik Muamer Mekić uputio je inicijativu broj: 01-GV-02-1835/23 od 29.11.2023. godine, sljedećeg sadržaja: Predlaže se gradonačelnici Grada Sarajeva da u okviru raspoloživih sredstava Budžeta Grada Sarajeva za 2023. godinu planiraju sredstva u iznosu od 50.000,00 KM u svrhu sanacije područne škole „Milan Rakić“ u općini Doboj, Mjesna zajednica „Kotorsko“.

Odgovor:

Ugovorom o realizaciji odobrenih sredstava iz Budžeta Grada Sarajeva za 2023. godinu, broj: 01/07-11-8349-3/23 od 29.11.2023. godine, s pozicije 614 100 – Tekući transferi drugim nivoima vlasti i fondovima – pomoć drugim JLS u BiH, Gradu Doboju odobrena su sredstva u iznosu od 50.000,00 KM za pomoć u realizaciji projekta nabavke i ugradnje vanjske stolarije, za sanaciju Područne škole „Milan Rakić“ Kotorsko.

Na 34. sjednici Gradskog vijeća Grada Sarajeva, održanoj dana 27.12.2023. godine, Odbor za lokalni biznis i turizam uputio je inicijativu sljedećeg sadržaja:

„Odbor za lokalni biznis i turizam upućuje inicijativu Gradskom vijeću da gradonačelnica uputi zahvalu J.P. Aerodrom Sarajevo na brzim i kvalitetnim reakcijama na inicijative Gradskog vijeća, odnosno ovog radnog tijela i iskaže podršku za aktivnosti koje ovo preduzeće poduzima, s ciljem bolje povezanosti Sarajeva sa destinacijama u svijetu uvođenjem novih linija i to sa pristupačnim cijenama karata.”

Odgovor:

Inicijativa je realizirana, obzirom da je gradonačelnica Grada Sarajeva aktom broj: 01/14-04-242-1/24 od 22.01.2024. godine uputila pismo zahvale J.P. Međunarodni aerodrom „Sarajevo“ d.o.o. Sarajevo, koji se nalazi u prilogu ovog odgovora.

Na 35. sjednici Gradskog vijeća Grada Sarajeva, održanoj dana 24.01.2024. godine, gradski vijećnik Vedran Dodik uputio je vijećničku inicijativu sljedećeg sadržaja: „Potrebno je da se u okviru Grada Sarajeva formira šalter sala gdje bi se ovjeravali potpisi građana, odnosno kopije dokumenata, uz naplatu administrativne takse, a u cilju povećanja prihoda Grada Sarajeva.“

Odgovor:

Odlukom o organizaciji i djelokrugu organa uprave Grada Sarajeva („Službene novine Kantona Sarajevo“, br. 24/21, 16/22 i 42/22) nije predviđeno da se vrši ovjera dokumenata i legalizacija potpisa. U skladu sa naprijed navedenim, trenutno ne postoje potreba za formiranjem šalter sale.

Na 35. sjednici Gradskog vijeća Grada Sarajeva, održanoj dana 29.11.2023. godine, gradski vijećnik Ratko Ozorović uputio je inicijativu, broj: 01-GV-02-132-7/24, od 24.01.2024. godine, sljedećeg sadržaja: „Potrebno je da Grad Sarajevo razmotri mogućnost određene stimulacije građanima na rubnim područjima grada koji koriste ugalj za grijanje da pređu na alternativni energent, najbolje na struju, jer bi ovo značajno uticalo na kvalitet zraka u Sarajevu.“ (Iznio je informaciju da je Evropska unija odobrila 50 miliona eura za podršku prelaska na alternativni izvor energije i da je Grad Sarajevo obavezan da to iskoristi s ciljem poboljšanja kvaliteta zraka).

Odgovor:

U Budžetu Grada Sarajeva za 2024. godinu nisu planirana sredstava za ovu namjenu.

Na 35. sjednici Gradskog vijeća Grada Sarajeva, održanoj 24.01.2024. godine, gradski vijećnik Adi Škaljić uputio je vijećničko pitanje sljedećeg sadržaja:

„Prošle godine, dopunjen je Kalendar obilježavanja važnih datuma, odnosno datuma od značaja za Grad Sarajevo obilježavanjem Dana nulte stope tolerancije za diskriminaciju koji se treba obilježiti 02. marta. Moje pitanje je u kojoj fazi su pripreme za obilježavanje ovog datuma od značaja za Grad Sarajevo?“

Odgovor:

U Kalendar događaja od značaja za Grad Sarajevo od 2023. godine uvršten je 1. mart – Dan nulte diskriminacije, koji se u glavnom gradu Bosne i Hercegovine, zbog državnog praznika, obilježava 2. marta.

Na Dan nulte diskriminacije slavi se pravo svakoga da živi punim produktivnim životom i dostojanstveno. Ovaj dan naglašava kako ljudi i zajednice trebaju promovirati inkluziju, suosjećanje i mir, te doprinosi stvaranju globalnog pokreta solidarnosti za okončanje svih oblika diskriminacije

bez obzira odnose li se na spol, nacionalnost, dob, invaliditet, etničku pripadnost, seksualnu orijentaciju ili religiju.

U vezi s naprijed navedenim, na fasadi objekta iznad Vječne vatre, u organizaciji Grada Sarajeva projiciran je logotip Dana nulte diskriminacije 2. marta 2024. godine, u terminu od 19:00 do 21:30 sati.

Na 36. sjednici Gradskog vijeća Grada Sarajeva, održanoj dana 21.02.2024. godine, gradski vijećnik Almedin Miladin uputio je inicijativu sljedećeg sadržaja:

„Ova inicijativa se odnosi na potrebu zaštite od propadanja zgrade Konak koja se ne koristi. Potrebno je informirati Gradsko vijeće o eventualnim mogućnostima korištenja, odnosno stavljanja u funkciju ove zgrade“.

Odgovor:

Graditeljska cjelina Konak u Sarajevu zajedno sa pokretnim naslijeđem je nacionalni spomenik Bosne i Hercegovine („Službeni glasnik BiH“, broj 19/08). U Zemljišno-knjižnom izvatku, broj 1511 K.O. Sarajevo IX, uknjiženo je pravo vlasništva u korist Bosne i Hercegovine.

Članom II. Odluke o proglašenju graditeljske cjeline Konak nacionalnim spomenikom BiH, Vlada Federacije BiH je dužna da osigura pravne, naučne, tehničke, administrativne i finansijske mjere za zaštitu, konzervaciju i prezentaciju nacionalnog spomenika. U obrazloženju predmetne Odluke navedena je namjera Predsjedništva Bosne i Hercegovine da u cilju državne reprezentacije, kao i adekvatnog smještaja stranih gostiju i visokih zvaničnika, izvrši sve potrebne radove adaptacije i opremanja prostora Konaka.

Na 36. sjednici Gradskog vijeća Grada Sarajeva, održanoj dana 21.02.2024. godine, gradski vijećnik Srđan Srdić uputio je vijećničko pitanje sljedećeg sadržaja:

„Tko je i na osnovu kojeg propisa dao dozvolu da se Bistrička stanica ustakli? Napominjem da je Bistrička stanica nacionalni spomenik“.

Odgovor:

Grad Sarajevo nije dao saglasnost, niti dozvolu da se Bistrička stanica, odnosno ljetna bašta prema Putu mladih Muslimana ustakli. Grad Sarajevo je uputio dopis, broj: 09-19-817/24 od 05.02.2024. godine, zakupcu Bistričke stanice firmi „Herbal group“ d.o.o. Sarajevo da je objekat historijska građevina-zgrada željezničke stanice Bistrik nacionalni spomenik Bosne i Hercegovine („Službeni glasnik BiH“, broj 18/07) te da nisu dozvoljene nikakve intervencije na objektu.

Na 36. sjednici Gradskog vijeća Grada Sarajeva, održanoj dana 21.02.2024. godine, gradski vijećnik Željko Majstorovića uputio je pitanje vezano za tok realizacije obnove Astronomskog opservatorija na Čolinoj kapi, Trebević.

Odgovor:

Gradsko vijeće Grada Sarajeva je, na 6. sjednici održanoj 29.09.2021. godine, donijelo Odluku o pristupanju projektu obnove i restauracije Astronomskog opservatorija Trebević („Službene novine Kantona Sarajevo“, broj 41/21).

S tim u vezi, pokrenute su aktivnosti na ovom projektu, prije svega u smislu rješavanja imovinsko-pravnih odnosa, kako bi se stekli uslovi i za samu realizaciju obnove ovog kompleksa, ali i aktivnosti na definiranju najoptimalnijeg modela obnove i upravljanja budućom opservatorijom.

Upravo je Elaborat društveno-ekonomske opravdanosti obnove kompleksa Astronomske opservatorije Trebević dao odgovore u kojem smjeru treba teći obnova i koje je sadržaje potrebno imati da bi imali društveno-ekonomsku opravdanost ulaganja u obnovu Astronomske opservatorije Trebević.

Ciljevi predmetnog elaborata bili su:

- Da se utvrdi postojanje stvarne društvene potrebe za jednim ovakvim kompleksom,
- Da se predloži najprihvatljiviji pravni modalitet korištenja navedene imovine,
- Da se analiziraju relevantna moguća ograničenja u redovnom funkcioniranju opservatorije,
- Da se sagledaju tržišni potencijali i kapaciteti opservatorije,
- Da se prezentiraju aktivnosti koje bi se mogle realizirati u radu opservatorija,
- Da se izvrši procjena budućih prihoda i troškova funkcioniranja opservatorija,
- Da se utvrdi kratkoročna i dugoročna društveno-ekonomska opravdanost rada opservatorija,
- Da se izvrši procjena povrata na ukupnu imovinu opservatorija.

Elaboratom je dokazana velika društvena opravdanost cijelog projekta sa stanovništa razvoja nauke, obrazovanja i turizma kako za Grad i regiju, tako i za čitavu Bosnu i Hercegovinu. Projekat ove vrste, prije svega, predstavlja uzdizanje BiH na naučnoj ljestvici u Evropi i nudi proširene mogućnosti saradnje na projektima koje u oblasti naučno-istraživačkog rada finansira EU.

Ekonomsko-finansijska analiza pokazala je finansijsku opravdanost II i III varijante obnove u četvrtoj godini eksploatacije na osnovu analize inputa koji su prikazani u Elaboratu.

Po usvajanju navedenog Elaborata pribavljen je idejni projekat budućeg objekta Zvezdarnice koji kombinuje savremeni dizajn i funkcionalnost sa prirodnim ambijentom zaštićenog područja Trebevića i same lokacije objekta.

U prethodnom periodu vođene su intenzivne aktivnosti na rješavanju imovinsko-pravnih odnosa za objekat Zvezdarnice sa Zavodom za izgradnju KS i Vladom KS te očekujemo skoro pozitivno rješavanje ovog pitanja. Prethodno je ishodovana saglasnost za korištenje platoa i pristupnog puta od Sarajevo šuma, a podnesen je i zahtjev Općini Stari Grad Sarajevo za rješavanje imovinskih prava za objekat Bistrik kule (austroougarska tvrđava) koja je jedan od dva objekata koji čine astronomski kompleks. Također, Grad je predao zahtjev za urbanističku saglasnost Općini Stari Grad Sarajevo za objekat Zvezdarnice te očekujemo skoro rješavanje ovog pitanja.

Grad Sarajevo je odlučan da ovaj projekat uspješno realizira na dobrobit građana Sarajeva, razvoja nauke i turizma. U 2024. godini planira se započeti s konkretnim aktivnostima, rekonstrukcijom i izgradnjom objekata, nabavkom potrebne opreme i stavljanem u funkciju predmetnog projekata.

Na 39. sjednici Gradskog vijeća Grada Sarajeva, održanoj dana 24.04.2022. godine, gradski vijećnik Ratko Orozović uputio je inicijativu sljedećeg sadržaja:

„Uzimajući u obzir da Udruženje filmskih radnika ima prostoriju jako malih dimenzija potrebno je iznaći način da im se obezbijedi korištenje nekog većeg poslovnog prostora za rad“.

Odgovor:

Uvažavajući činjenicu za pronalaženjem adekvatnog radnog prostora za potrebe Udruženja filmskih radnika, a u cilju učinkovitijeg i lakšeg rada istog, te cijeneći značaj ovog pitanja, obavještavamo Vas da Grad Sarajevo ne raspolaže adekvatnim poslovnim jedinicama u svom vlasništvu, a koje bi se mogle ustupiti navedenom Udruženju.

Na 40. sjednici Gradskog vijeća Grada Sarajeva, održanoj dana 29.05.2024. godine, gradski vijećnik Adi Škaljić uputio je inicijativu da se podigne spomenik Grahamu Bamfordu, engleskom državljaninu koji se u znak protesta zbog rata u BiH spalio ispred Britanskog parlamenta.

Odgovor:

Programom podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2024. godinu, koje je usvojilo Gradsko vijeće Grada Sarajeva u decembru 2023. godine, nije planirano podizanje navedenog spomenika.

Navedeni spomenik se može planirati u Programu podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2025. godinu, s tim što Gradsko vijeće, odnosno gradonačelnica mora uzeti u obzir realne finansijske, prostorne i vremenske mogućnosti kako bi Program bio ostvariv. Treba napomenuti da je na listi usvojenih inicijativa za podizanje spomenika veći broj značajnih spomenika za Grad Sarajevo i Bosnu i Hercegovinu koji čekaju svoju realizaciju pa je potrebno odrediti prioritete.

Na 39. sjednici Gradskog vijeća Grada Sarajeva, održanoj dana 24.04.2024. godine, gradska vijećnica Amra Zulfikarpašić uputila je inicijativu da se formira stručna komisija koja bi razmatrala inicijative za podizanje spomenika i umjetničkih skulptura s umjetničkog i funkcionalnog aspekta.

Odgovor:

Želimo Vas obavijestiti da je za ove potrebe predviđena i formirana Komisija za spomenike Gradskog vijeća u koju Gradsko vijeće delegira stručne i kompetente osobe za ovu oblast, a čije je zadatak da upravlja i kontrolira inicijative i materijale kako bi Grad Sarajevo donosio samo najkvalitetnije odluke iz ove oblasti.

Na 39. sjednici Gradskog vijeća Grada Sarajeva, održanoj dana 24.04.2024. godine, gradska vijećnica Amra Zulfikarpašić uputila je pitanje tko vodi računa o skulpturama i spomenicima ispred Grada Sarajeva.

Odgovor:

Brigu o čuvanju i održavanju spomenika od interesa za Grad Sarajevo vrši Služba za urbano planiranje, investicije, stambene i komunalne poslove. U Budžetu Grada Sarajeva svake godine se predvodi iznos za tekuće održavanje i za podizanje novih spomenika.

Navedena skulptura je od interesa za Grad Sarajevo proglašena Odlukom koju je donijelo Gradsko vijeće Grada Sarajeva. Provode se aktivnosti prema Općini Centar kako bi se ishodovala dozvola za stalnu postavku skulpture, jer je trenutno izdata privremena dozvola za njeno postavljanje zbog potrebe obilježavanje godišnjice Olimpijskih igara.

Na 39. sjednici Gradskog vijeća Grada Sarajeva, održanoj dana 24.04.2024. godine, gradski vijećnik Dragan Stevanović uputio je pitanje u kojoj je fazi, odnosno šta je potrebno da se podigne spomen-ploča pripadnicima Ministarstva unutrašnjih poslova i vojne policije Armije Bosne i Hercegovine.

Odgovor:

Kako smo Vas ranije na Komisijama Gradskog vijeća izvijestili, od MUP-a KS i MUP-a FBiH dobili smo dopise koji su u prilogu ovog akta, a kojim nas obavještavaju da nemaju potreban spisak imena poginulih policajaca u navedenom događaju. Obzirom da ne postoji zvanični podatak o imenima svih poginulih, moguće je postaviti spomen-ploču sa generalnim tekstom spomen-ploče. Ovu inicijativu je potrebno planirati Programom podizanja spomenika i umjetničkih skulptura od značaja za Grad Sarajevo kojima je Grad Sarajevo investitor za 2025. godinu, obzirom da su ista nije planirana u 2024. godini i da su sredstva iscrpljena za ovu godinu.

Na 39. sjednici Gradskog vijeća Grada Sarajeva, održanoj dana 24.04.2024. godine, gradska vijećnica Mirela Džehverović uputila je inicijativu da se podigne spomen-ploča i bista Fuadu Midžiću.

Odgovor:

Vašu inicijativu ćemo proslijediti nadležnoj Komsiji za spomenike Gradskog vijeća Grada Sarajeva na razmatranje.